

ՆԱՅԿ ԿԱՐԱՊԵՏՅԱՆ

ԳԱՆՁԱՍԱՐԻ ԿԱԹՈՂԻԿՈՍՈՒԹՅՈՒՆԸ ԺԷ. ԴԱՐԻ
ՎԵՐՋԵՐԻՆ ԵՒ ԺԸ. ԴԱՐԻ ՍԿԶԲԻՆ

ԺԶ-ԺԷ. դարերի թուրք-պարսկական պայքարագծները և դրանց հետևանքով Կղզի ունեցած Նայասարանի բաժանումները նվաճող բռնակալությունների միջև ծանր հետևանքներ ունեցան հայ ժողովրդի կյանքի բոլոր ոլորտներում: Նայ Առաքելական Եկեղեցին հավասարապես կիսում էր բոլոր այն արհավիրքները, որոնք բաժին հասան հայ ժողովրդին Նայասարանի թե՛ արևելյան և թե՛ արևմտյան մասերում: Նայ Եկեղեցու անկախության վիճակի վարժարացման հետ մեկտեղ առաջացել էին կաթողիկոսական գահի համար պայքարող փոքրեր խմբավորումներ: Նույնպիսի իրավիճակ էր տիրում նաև Նայ Առաքելական Եկեղեցու չորս ճյուղերից մեկի՝ Գանձասարի կաթողիկոսությունում¹:

Դեռևս ԺԶ. դարի կեսերից գահակալական պայքար էր ծավալվել այդ աթոռը զբաղեցնող Խաչենի Նասան-Ջալալյան իշխանական փոխ ներկայացուցիչ հոգևորականների և կաթողիկոսական աթոռին ժառանգաբար փոխելու նրանց իրավունքը վիճարկողների միջև: Գանձասարի կաթողիկոսությունում հակաթափության առաջացումը պայմանավորված էր Նասան-Ջալալյան փոխի և Գանձասարի կաթողիկոսության թուլացմամբ շահագրգռված Սեֆյան շահերի վարած քաղաքականությամբ²:

1 Աղվանից կամ Գանձասարի Կաթողիկոսն իր եպիսկոպոսական աստիճանով երկրորդն էր Ամենայն Նայոց Կաթողիկոսից հետո Նայ Առաքելական Եկեղեցու նվիրապետական աստիճանացանկում: Նա թեմական առաջնորդների միջոցով կառավարում էր Աղվանից կաթողիկոսության թեմերը և փնտրում սրբավոլ նկատարները: Աշխարհիկ և հոգևոր ներկայացուցիչների ուղեկցությամբ նա մեկնում էր Ամենայն Նայոց Կաթողիկոսի նստավայր, ներկայացնում ընտրվելու մասին համախոսականը և օժկում Ամենայն Նայոց Կաթողիկոսի կողմից (Մարտնադարան, կաթողիկոսական դիվան, թղթ. 240, վավ. 210, էջ 10բ-11ա): Այս կարգը մասնակի բացառություններով պահպանվում էր դարեր շարունակ՝ մինչև Գանձասարի (Աղվանից) կաթողիկոսության վերացումը (1815 թ.): Բացի այդ գոյություն ուներ ես մի կարգ, ըստ որի Գանձասարի Կաթողիկոսը պարտավոր էր ներկայանալ և շնորհավորել նորընտրված Ամենայն Նայոց Կաթողիկոսին (**Միմեօն Կաթողիկոս Երևանցի**, Ջամբու, Գիրք, որ կոչի յիշարական արձանագցից, հայելի և պարունակող բնակից որպիսութեանց Սրբոյ Աթոռոյս և խրոյ շրջակայից վանօրէիցն, Վաղարշապատ, 1873, էջ 84): Արեւելյան Նայասարանի՝ պարսկական փոխապետության փակ անցնելուց հետո, ինչպես Ամենայն Նայոց, այնպես էլ Գանձասարի կաթողիկոսների իրավունքները հաստատվում էին պարսից շահի հրովարտականքով («Մարտնադարանի պարսկերէն վավերագրերը», հրովարտականք, պրակ III, կազմեց Ջ. Կոտրիկյանը, Երևան, 2005, վավ. 14, 43, 57, 61, 65, 69, 85):

2 Լ. Մկրտումյանն այդ մասին գրում է. «Երկապատկառական այս պայքարը հրահրվում էր պարսից արքունիքի կողմից, որը նպատակ ուներ թուլացնել Աղվանից կաթողիկոսությունը և խամաճիկների վերածել այդ կաթողիկոսության աթոռի համար պայքարողներին: Նախ է նշել նաև, որ այս պայքարը պարսկական իշխանությունների համար նաև եկամտի աղբյուր էր» (Լ. Մկրտումյան, Աղվանից (Գանձասարի) կաթողիկոսությունը XVII-XIX դդ., Երևան, 2006, էջ 54-55): Այնուհետև հետազոտողը, հղելով Զաքարյա Քանաքեղոյ «Պատմագրության» ռուսերեն թարգմանությանը (**Закарий Канакерци**, Хроника, пер.с арм., предисловие и комментарии М.Дарбинян-Меликян, М., 1969, с.159), գրում է. «Բացի կաշառքներից, որ շահին և շահական դիվանին, բարձրաստիճան պաշտոնյաներին հաստատված հրովարտական սրբանայտ համար փախչել էին կաթողիկոսական գավազանի հավակնորդները, վերջիններս հաստատագրված գումար էլ էին մոծում

Գրիգոր Նասան-Ջալալյան Կաթողիկոսի օրոք (1634-1653) թույլացել էր Գանձասարի կաթողիկոսության վերահսկողությունն իրեն ենթակա թեմերի նկատմամբ: Գանձասարի վանքի միաբանները, Պեպրոս եպիսկոպոսի գլխավորությամբ, օգտվելով իրավիճակից, Գրիգորից պահանջում էին հրաժարական րալ՝ պարճառաբանելով, որ Նասան-Ջալալյանները Գանձասարի կաթողիկոսական աթոռը վերածել են ժառանգական սեփականության³: Գանձասարի կաթողիկոսության հիմքերը թուլացնող այս պայքարին վերջ տալու նպատակով Գրիգոր Նասան-Ջալալյան Կաթողիկոսի կողմնակիցներն ստիպված էին դիմել զիջումների և փոխհամաձայնության եզրեր փնտրել Պեպրոս եպիսկոպոսի հետ:

Խաչենի մելիք Աթաբեկ Նասան-Ջալալյանի նախաձեռնությամբ համաձայնություն կայացվեց, ըստ որի Պեպրոս եպիսկոպոսը դառնում էր Գրիգոր Կաթողիկոսի որդեգիրը և դրանով իրավունք ստանում Գանձասարի կաթողիկոսական աթոռին փոխարինել Գրիգորին նրա մահից հետո⁴: Սրանով փաստորեն ճանաչվում էին Նասան-Ջալալյանների ժառանգական իրավունքները Գանձասարի կաթողիկոսական աթոռին, իսկ Պեպրոսն էլ պարտավորվում էր իր մահից առաջ Կաթողիկոս օծել միայն Նասան-Ջալալյան տոհմի ներկայացուցչին՝ կաթողիկոսությունը «տացից եղբոր որդոցն իմոց»⁵:

Հենց սկզբից գիտակցելով Ամենայն Տայոց կաթողիկոսության հետ բարդացիական հարաբերություններ ունենալու անհրաժեշտությունը՝ Պեպրոս Կաթողիկոսը (1653-1675) վերականգնեց ավանդական եկեղեցական կանոնը՝ Գանձասարի Կաթողիկոս հասարակությանը Էջմիածնում՝ Ամենայն Տայոց Կաթողիկոս Նակոբ Դ. Ջուղայեցու (1655-1680) կողմից⁶:

Մայր Աթոռ Սուրբ Էջմիածնի հետ նախկին հարաբերությունները վերականգնելուց հետո Պեպրոս Կաթողիկոսը ձեռնամուխ եղավ կաթողիկոսության ներքին կարգավանդման վերականգնմանը՝ անհրաժեշտության դեպքում դիմելով նաև շահին⁷: Պեպրոս Կաթողիկոսի ձեռնարկած միջոցառումները նպաստում էին Գանձասարի կաթողիկոսության վանական արմատության զարգացմանը, հենարան ստեղծում նրա մշակութային գործունեության համար և բարձրացնում կաթողիկոսության հեղինակությունը⁸:

շահական գանձարանին» և ավելացնում, որ հայերեն հրապարակության մեջ այս տեղեկությունը բացակայում է (Լ. Մկրտումյան, անդ. էջ 55): Իրականում ռուսերեն հրապարակության իր նշած հաղավադը բառացիորեն թարգմանված է հայերեն բնագրից: Բացի այդ երկու հրապարակություններում էլ խոսքը ոչ թե Գանձասարի կաթողիկոսներից որեւէ մեկի, այլ Ամենայն Տայոց Կաթողիկոս Նակոբ Դ. Ջուղայեցու մասին է (Զարարիա Մարկուսյան, Պարմագրություն, հ. Բ., Վաղարշապատ, 1870, էջ 60-61, հմմտ. Закарий Канакерци, Хроника, էջ 159):

3 Տե՛ս Մարտինադարան, ձեռ. թ. 4331, էջ 9բ:

4 Անդ. էջ 10ա:

5 Անդ. էջ 10բ:

6 Անդ. էջ 10բ-11ա, հմմտ. Մ. Բարխուդարեանց, Պարմություն Աղուանից, հ. Բ., Թիֆլիս, 1907, էջ 66:

7 1669 թ. օգոստոսին Պեպրոս Կաթողիկոսը դիմում է Սուլեյման շահին՝ բողոքելով, որ Ղարաբաղի, Ջարուզբլի և Շամախու մուսուլման իշխանավորները կրոնական հալածանքի են ենթարկում նույն զավառների հայերին և խոչընդոտում են Տայոց Եկեղեցու ծեսերի կատարմանը: Սուլեյման շահը Ղարաբաղի բեկլարբեկ Ռադուրու խանին ուղղված հրովարդական հայտարարելով, որ քրիստոնյաներին կրոնական հալածանքի ենթարկելը դեմ է շարիաթի կանոններին, հրամայում է քննել Պեպրոս Կաթողիկոսի բողոքը և սանձել մուսուլման իշխանավորների և ավադարարների կրոնական ճնշողությունը («Մարտինադարանի պարսկերեն վավերագրեր», հրավարակներ, պրակ III, վավ. 28, էջ 74):

8 Պեպրոս Կաթողիկոսի օրոք Գանձասարի կաթողիկոսության բարձր վիճակի մասին վկայում է նաև Ամենայն Տայոց Կաթողիկոս Ալեքսանդր Ա. Ջուղայեցին (1706-1714), որն իր կոնդակներից մեկում գրում է, որ

Գանձասարի կաթողիկոսության հեղինակության աճի արտացոլումն էր նաև այն, որ Նոր-Ջուղայի հայ առևտրական ընկերությունները Ռուսաստանում իրենց առևտրային գործառնությունները կարգավորելու համար դիմեցին ոչ թե Ամենայն Տայոց Կաթողիկոս Տակոբ Դ. Ջուղայեցուն, այլ Պեդրոս Խանձբեցուն, որը 1672 թ. դեկտեմբերի 2-ին նամակ գրեց Ալեքսեյ Միխայլովիչ ցարին՝ խնդրելով հովանավորել Նոր-Ջուղայի Ռուսաստանում առևտրով զբաղվող վաճառականներին և ամբողջ հայ ժողովրդին⁹:

Պեդրոս Կաթողիկոսը վախճանվեց 1675 թ.: Վարդան Օձնեցին գրում է, որ մահանալուց առաջ Պեդրոս Խանձբեցին 1652 թ. Կոված իր պարտավորագրի համաձայն իր մահից հետո Գանձասարի կաթողիկոսությունը թողեց Տասան-Ջալալյանների քոհմի ներկայացուցիչ Երեմիային¹⁰: Մեկ այլ հիշատակարանի համաձայն 1675 թ. Պեդրոս Կաթողիկոսը կրակով Գանձասարի կաթողիկոսական աթոռը հանձնում է իր աշակերտ Սիմեոնին, որը չէր պարկանում Տասան-Ջալալյան քոհմին: Պեդրոս Կաթողիկոսի վախճանվելուց հետո Սիմեոնը «կամակցությամբ ամենայն մեծամեծաց քահանա Աղուսից» օժտվում է Գանձասարի Կաթողիկոս և մեկնում Ղազվին, միաժամանակ հաստատվում է Գանձասարի Կաթողիկոս և՛ Սուլեյման շահի, և՛ այդ ժամանակ Պարսկաստանում գտնվող Ամենայն Տայոց Կաթողիկոս Տակոբ Դ. Ջուղայեցու կոնդակով¹¹: Իսկ Սուլեյման շահի՝ Երեմիային Գանձասարի Կաթողիկոս հաստատող հրովարտական ասվում է, թե Երեմիան, ներկայանալով շահին, հայրնել է, որ իր հորեղբայր Գրիգոր Տասան-Ջալալյան Կաթողիկոսի մահից հետո իր անչափահաս լինելու պատճառով Կաթողիկոս է դարձել Պեդրոսը, որը դեռ իր կենդանության օրոք կաթողիկոսությունն իրեն է հանձնել¹²:

Փաստն այն է, որ Պեդրոս Կաթողիկոսի մահից հետո աթոռակալական պայքարը Գանձասարի կաթողիկոսությունում կրկին սրվել էր: Պայքարն այս անգամ ընթանում էր Երեմիա Տասան-Ջալալյանի (1676-1700) և նրան հակաթոռ Սիմեոն Խոյրաբաշենցու (1675-1701) միջև¹³:

Պայքարին միջամտում է նաև Ամենայն Տայոց Կաթողիկոս Տակոբ Դ. Ջուղայեցին, որը 1677 թ. Վրաստանում հանդիպում է Գանձասարի հակաթոռ կաթողիկոսներին և հաշտեցնում նրանց¹⁴: Սիմեոն Երեանցին այս մասին գրել է. «Եւ Յակոբ Կաթողիկոսն եւս ոչ սակաւ ջանայ եւ համոզէ ի խաղաղութիւն... եւ յեղ բազմիցս խրատելոյն, առնու զձեռագիր ի Սիմօնէն նզովիւք հանդերձ, զի լռեսցի ի կաթողիկոսացն գործոց, այս ինքն՝ յեպիսկոպոս

Պեդրոս Կաթողիկոսի օրոք միայն Գանձասարի վանքն ունեցել է 80 միաբան, բազմաքանակ եկեղեցական սպասք և դրամ (Մարենադարան, ձեռ. թ. 4331, էջ 15բ-18բ):

9 Տե՛ս «Армяно-русские отношения в XVII веке», Сборник документов, т. I, Ереван, 1953, էջ 91-92:

10 Տե՛ս Մարենադարան, ձեռ. թ. 4331, էջ 11ա:

11 Տե՛ս Մարենադարան, ձեռ. թ. 8965, էջ 361բ:

12 Տե՛ս «Մարենադարանի պարսկերեն վավերագրերը», հրովարտական, պրակ III, վավ. 43, էջ 103-104:

13 Ըստ Սիմեոն Երեանցու՝ Սիմեոն Խոյրաբաշենցին իրեն Գանձասարի Կաթողիկոս հռչակելուց հետո լքում է կաթողիկոսանիստ Գանձասարի վանքը՝ վերցնելով վանքի ամբողջ գույքը, և փեղափոխվում իր հայրենի գյուղը՝ Խոյրաբաշեն: Այդ պատճառով Տակոբ Դ. Ջուղայեցին բանադրում է Սիմեոնին և Գանձասարից Էջմիածին կանչելով ոմն Երեմիա աբեղայի՝ նրան միաժամանակ ձեռնադրում է եպիսկոպոս, ապա օժտում Գանձասարի Կաթողիկոս («Ջամբո», էջ 80):

14 Տե՛ս Ա. Ղովհաննիսյան, Դրվագներ հայ ազգաբազմական մտքի պարմության, գիրք 2, Երևան, 1959, էջ 208-209:

ձեռնադրելով, և ի Մեռոն օրհնելով, այլ և յազգականաց իւրոց մի ևս լինիցի որ Կաթողիկոս»¹⁵: Սիմեոն Երեւանցին նաեւ նշում է, որ այդպիսի սխալ և անկանոն վիճակը շարունակում էր գոյություն ունենալ «յԱղուանս և ի Սիս ևս, զի ազգականք կաթողիկոսացն յառաջադրեն զինքեանս ի կաթողիկոսութիւն որպէս զհայրենի ժառանգութիւն համարելով իւրեանց. յորմէ ոչ պակաս ծնանին կոիւք ի յազգականսն, և երկճղութիւն և խռովութիւն ի ժողովուրդսն»¹⁶:

Այսպիսով, Ամենայն Տայոց Կաթողիկոս Տակոբ Դ. Ջուղայեցու և Գանձասարի հակաթոռ կաթողիկոսների հանդիպման արդյունքում Սիմեոն Խոպորաշենցին 1677 թ. օգոստոսի 25-ին պարտավորագիր է տալիս՝ հաստատելով, որ իր ժառանգները զրկվելու են Կաթողիկոս դառնալու իրավունքից, իսկ կաթողիկոսության ժառանգականությունը վերապահվում է Տասան-Ջալալյաններին: Սիմեոնը հայտնում է նաեւ, որ ինքը թուղթ է տվել Տակոբ Դ. Ջուղայեցուն, որով պարտավորվել է ենթարկվել¹⁷:

Բացի այդ, Գանձասարի կաթողիկոսության թեմերը բաժանվում են երկու հակամարտող կաթողիկոսների միջև: Արցախի թեմերը տրվում են Երեմիա Տասան-Ջալալյանին, իսկ Գանձակի խանության ու Շիրվանի թեմերը՝ Սիմեոն Խոպորաշենցուն:

Սակայն հակաթոռ կաթողիկոսների միջև հաշտությունը երկար չի տևում: Տակոբ Դ. Ջուղայեցու մահից¹⁸ հետո նրանց պայքարը շարունակվում է արդեն Ամենայն Տայոց նորինձա Կաթողիկոս Եղիազար Ա. Այնթափցու (1681-1691) օրոք, և «սկսանին զսա զգունեցուցանել և բազմիցս ցաւեցուցանել»¹⁹: Եղիազար Այնթափցին մի քանի անգամ հանդիմանում է Սիմեոն Խոպորաշենցուն և հրամայում հնազանդվել: Միաժամանակ Ամենայն Տայոց Կաթողիկոսը կարգադրում է երկու կաթողիկոսներին միասին իրականացնել մյուռոնի և եպիսկոպոսների ձեռնադրումը, ինչպէս նաեւ աթոռի եկամուտների հավաքագրումը և ծախսումը: Եղիազար Այնթափցին նաեւ դիմում է ժողովրդին՝ խնդրելով առաջնորդվել այդ կանոններով և ընդունել նրանց, իսկ եթե մեկնումեկը շեղվի այդ ուղուց՝ հրաժարվել նրանցից²⁰: Երբ Սիմեոն Խոպորաշենցին հերթական անգամ անհնազանդություն է ցուցաբերում, Խաչենի, Վարանդայի և Դիզակի մելիքները համախոսակամով դիմում են Եղիազար Այնթափցուն՝ հայրենելով, որ միայն Երեմիա Տասան-Ջալալյանին են ճանաչում Գանձասարի Կաթողիկոս և խնդրում են բանադրել Սիմեոն Խոպորաշենցուն²¹: Եղիազար Այնթափցու հրամանով Սիմեոնը պարտավորվում է «առանց վարելոյ զիշխանութիւն կաթողիկոսութեան նստի հանդարտ ի վանս իւր»²²:

Այդուհանդերձ, Երեմիա Տասան-Ջալալյանի և Սիմեոն Խոպորաշենցու միջև պայքարը շարունակվում է նաեւ Եղիազար Այնթափցու հաջորդած Նահապետ Եղևսացու (1691-1705) օրոք և հասնում մինչև իրենց կյանքի վերջին օրերը: Եթե Երեմիայի մահվան տարե-

15 «Ջամբո», էջ 80:

16 Անդ:

17 Տե՛ս Մարտենադարան, կաթողիկոսական դիվան, թղթ. 240, վավ. 1:

18 «Թվին ՌՃԻԹ» օգոստոսի Բ-ումն Ըստամբոլ Աստուածածին եկեղեցումն Յակոբ Կաթողիկոսն առ Աստուած փոխեց» (Ջաթարիա Ազուլեցի, Օրագրութիւն, Երեւան, 1938, էջ 151):

19 «Ջամբո», էջ 80:

20 Տե՛ս անդ:

21 Տե՛ս Մարտենադարան, ձեռ. թ. 4331, էջ 13ա:

22 Տե՛ս անդ:

թիվը (1700 թ.) կասկած չի հարուցում²³, ապա Սիմեոն Խոսրորաշենցու մահվան փառերթիվը հսկայական չէ: Վարդան Օձնեցին նշում է, որ «Երեմիայ և Սիմեոն վախճանին ի միում ամի, այն է յամի 1700...»²⁴, իսկ Աշոտ Նովհաննիսյանը Սիմեոն Խոսրորաշենցու մահվան փառերթիվ է համարում 1702 թ.²⁵: Իր հերթին Սիմեոն Երևանցին վկայում է, որ Սիմեոն Խոսրորաշենցին մահացել է 1701 թ.²⁶, ինչն առավել հավանական է:

Երեմիա և Սիմեոն կաթողիկոսների մահվանից հետո նրանց հաջորդում են Եսայի Նասան-Ջալալյանը (1701-1728) և Ներսես Ջրաբերդցին (1706-1763): Աշոտ Նովհաննիսյանը գրում է, թե «1699 թ. Էջմիածնի հրամանով Երեմիան աթոռակից Կաթողիկոս է օծում Եսայուն»²⁷ և որպես աղբյուր նշում «Ջամբո»²⁸, որոնցում այդպիսի բան գրված չէ: Իրականում «Ջամբո»²⁹ նշվում է. «Եսային նստի յԱղուանս ի ՌՃԾԱ թուռջն» (1702 թ.)²⁹: Իր հերթին Վարդան Օձնեցին գրում է. «Երեմիա Կաթողիկոս... հրամանաւ Նահապետ Կաթողիկոսի Նայոց՝ օծանի Կաթողիկոս ամենայն Աղուանից զեղբորորդին³⁰ իր զԵսայի եպիսկոպոս Նասան-Ջալալեանց յամի 1695...»³¹: Շարունակելով իր պատմությունը՝ Վարդան Օձնեցին նշում է. «...Շահասոյթան Հիսելին արքայն պարսից հրովարդակաւ ի թուին փաճկաց 1111 հրամայի Բէկլար Բէկին Ղարաբաղու և Զարազբիլի երկրին՝ դադարեցուցանել զհալածումն Քրիստոնէից...»³²: Այսպէս խոսքը շահ Սուլթան Նուսեյի՝ 1111 թ. շափալ ամսի (1700 թ. մարտի 22-ապրիլի 20) հրամանագրի մասին է, որով Շիրվանի, Կախերի ու Արցախի փեռական իշխանություններին հանձնարարվում էր օգնություն ցուցաբերել Աղվանից կաթողիկոսության ենթակա Շիրվանի հայերից եկեղեցական հարկերը հավաքելու գործում³³: Այնուհետև Վարդան Օձնեցին գրում է. «...և ի թուին փաճկաց 1113 յամի 1697 հրովարդակաւ յիշեալ շահ Հիսելինին հասարակի Եսայի Կաթողիկոս Աղուանից»³⁴: Իրականում, սակայն, Եսայի Նասան-Ջալալյանի կաթողիկոսական իրավունքները շահ Սուլթան Նուսեյի կողմից հաստատվել են 1113 թ. ջումադի առաջին ամսի (1701 թ. հոկտեմբերի 4-նոյեմբերի 3) հրովարդակով³⁵: Ներառաբար Վարդան Օձնեցին սխալվում էր՝ նշելով 1697-ը՝ որպես պարսից շահի կողմից Եսայիի կաթողիկոսական իրավունքների հաստատման փառի, ուստի կարող էր սխալվել նաև Եսայիի՝ 1695 թ. Կաթողիկոս օծվելու հարցում: Մեր կարծիքով, ինչպես 1695, այնպես

23 Բ. Ուլուբաբյանը համարում է, որ Երեմիա Կաթողիկոսը վախճանվել է 1702 թ. (Բ. Ուլուբաբյան, Նայոց Արեւիցի կողմանց եկեղեցին և մշակույթը, Երևան, 1998, էջ 208), սակայն բարեախոսաբար պահպանվել է Երեմիա Նասան-Ջալալյանի փառախոսարար, որի վրա գրված է. «Այս է փառան Երեմիա Կաթողիկոսին Աղուանից Յազգէն Ջալալ Դօլին: ՌՃԾԱ: (1700) թուին» (Մ. Բարխուդարեանց, Արցախ, Բագու, 1895, էջ 176, հմմտ. «Դիվան հայ վիմագրության», պրակ V, Արցախ, կազմեց Ս. Բարխուդարյան, Երևան, 1960, էջ 65):

24 Մարենադարան, ձեռ. թ. 4331, էջ 14բ:

25 Ա. Նովհաննիսյան, անդ, էջ 293:

26 «Ջամբո», էջ 80:

27 Ա. Նովհաննիսյան, անդ, էջ 293:

28 «Ջամբո», էջ 58, 81:

29 Անդ, էջ 81:

30 Երեմիա Կաթողիկոսի եղբայրը Վելիջան բեկն էր (Ն. Աճառյան, Նայոց անձնանունների բառարան, Կ. Բ., Երևան, 1944, էջ 144):

31 Մարենադարան, ձեռ. թ. 4331, էջ 14ա:

32 Անդ:

33 Հրամանագիրը փրվել էր Երեմիա Կաթողիկոսի եղբորորդի Եսայի վարդապետի խնդրագրի եիման վրա («Մարենադարանի պարսկերեն վավերագրերը», հրովարդակներ, պրակ III, վավ. 63, էջ 146):

34 Մարենադարան, ձեռ. թ. 4331, էջ 14ա:

35 Տե՛ս «Մարենադարանի պարսկերեն վավերագրերը», հրովարդակներ, պրակ III, վավ. 65, էջ 149-152:

Էլ 1697 թվականների նշումը Վարդան Օձնեցու կողմից պարսկական փարեգրությունը հայկականի վերածելիս թույլ տրված անճշտության հետևանք է, իսկ Եսային Կաթողիկոս է օժվել շաք ավելի ուշ: Չնայած Եսային իրականացրել է կաթողիկոսական գործառնությունը, սակայն, ինչպես րեսանք, շահի կողմից նրա կաթողիկոսական իրավունքները հաստատվել են միայն 1701 թ.³⁶: Պավել Չոբանյանը նույնպես Եսայիի կաթողիկոսության առաջին փարին համարում է 1701 թ.³⁷:

Ինչ վերաբերում է Ներսեսին, ապա սկզբնաղբյուրում չի նշվում, թե երբ է րեղի ունեցել նրա օծումը: Նայքնի է միայն, որ «Սիմեոն Կաթողիկոս զօծումն Եսայեայ հակառակ նորա ինքս ինքեան օծանէ Կաթողիկոս զեղբորորդի իւր զՆերսէս վարդապետ ի վանս Երից Մանկանց, որ էր այրիացեալ քահանայ»³⁸:

Սիմեոն Երեւանցին, խոսելով Ներսեսի օծման փարեթվի մասին, նշում է. «Ի հինգերորդ ամ կաթողիկոսության Եսայեայ, Ներսէս անուն մնն սեւագրուիս յազգէ վերոյիշեալ բանադրեցեալ Սիմեոն Կաթողիկոսին, ի յԱղուանս կաշառօք և խաբէութեամբ օծանի Կաթողիկոս»՝ իտէ և սաքան³⁹ Եսայեայ ի ՌՃԾԵ թուոջ մերում»⁴⁰: Ինչպես րեսնում ենք, ըստ Վարդան Օձնեցու, Ներսեսը օժվել է Սիմեոն Խոփորաշենցու կենդանության օրոք, իսկ, ըստ Սիմեոն Երեւանցու՝ շաք ավելի ուշ՝ 1706 թ.: Նավանաբար Սիմեոն Խոփորաշենցու օրոք Ներսեսը դարձել է աթոռակից Կաթողիկոս, իսկ կաթողիկոսական օծումը րեղի է ունեցել 1706 թ.: Այս փարեթվի օգրին է խոսում նաև այն հանգամանքը, որ մինչ այդ չկա ոչ մի հիշատակություն Ներսեսի կաթողիկոսական գործունեության մասին:

Փաստորեն, Գանձասարի կաթողիկոսության ներսում աթոռակալական պայքարը, որ սկիզբ էր առել դեռևս ԺԶ դարի կեսերից և հասկապես սրվել Երեմիա Նասան-Ջալալյանի և Սիմեոն Խոփորաշենցու օրոք, շարունակվեց նաև ԺԸ դարի սկզբին՝ Եսայի Նասան-Ջալալյանի և Ներսես Ջրաբերդցու միջև⁴¹:

Չնայած հակաթոռության հիմնահարցի առկայությանը՝ Գանձասարի կաթողիկոսությունը գործուն մասնակցություն է ունեցել ԺԸ. դարի հայ ժողովրդի ազատագրական պայքարին: Այդ դարի 20-ական թվականներին Գանձասարի կաթողիկոսությունը աջակցել է Արցախի սղնախներին թուրքական և պարսկական ուժերի դեմ մղված պայքարում, իսկ ժամանակի կաթողիկոսներ Եսայի Նասան-Ջալալյանը և Ներսես Ջրաբերդցին, որոնք մեծ հեղինակություն էին վայելում արցախահայության շրջանում, ազատագրական պայքարի գաղափարը առաջնային դարձնելով, դեկավարել են սղնախների կազմակերպումն ու ռազմական բազմապիսի գործողությունների իրականացումը:

36 Եսայի Նասան-Ջալալյանը Գանձասարի կաթողիկոսական աթոռին բարձրացավ հայ ժողովրդի համար ծանր ժամանակներում, սակայն իր եռանդուն և նպատակասլաց գործունեության շնորհիվ կարողացավ հենց սկզբից ազատագրական գաղափարների շուրջ համախմբել Արցախի մեղիքներին և դառնալ ազատագրական պայքարի գլխավոր ոգեշնչողն ու ղեկավարը (Է. Գանիկյան, Գանձասարի պատմություն, Ե., 2005, էջ 216-217):

37 Տե՛ս Դ. Չոբանյան, Եսայի Նասան-Ջալալյան. «Բրիստոնյա Նայսապան», հանրագիտարան, Երևան, 2002, էջ 316:

38 Մաքենադարան, ձեռ. թ. 4331, էջ 14բ:

39 «Մաքան»-ը երբայերես բառ է, որ նշանակում է հակառակորդ, չարահոգի, մարմնիչ (Բ. Ուրուբարյան, Նայոց Արեւիկից կողմանց եկեղեցին և մշակույթը, էջ 209):

40 «Ջամբո», էջ 82:

41 Տե՛ս Լ. Մկրտումյան, նշվ. աշխ., էջ 73-78: